




曲園叢書

14
484
56





1 4  
484  
56



楹聯錄存上

德清俞樾

新安孫蓮叔觀旭樓聯

蓮叔有小樓可觀日出署曰觀旭余甲辰歲曾宿  
其中適大風竟夕遂題此聯故人馬謙香孝廉極  
賞之故至今猶未忘也

高吸紅霞最好五更看日出 薄游黃海曾來一夕聽

風聲

孫蓮叔紅葉讀書樓聯

此蓮叔讀書處也樓凡三折故其家人呼之曰曲

聯上



尺樓客至輒留宿其上  
仙到應迷有簾幙幾重闌干幾曲  
客來不速看落葉  
滿屋奇書滿牀

新安汪村關廟聯

廟在汪村水口并祀張睢陽上有文昌閣

威名滿華夏真義士真忠臣若論千載神交合與睢陽  
同俎豆戎服讀春秋亦英雄亦儒雅試認九霄正氣  
常隨奎壁煥光芒

河南汝州關廟聯

吾鄉人之商于汝者以此廟爲公所丙辰年余行

部至此鄉人乞題

廟貌徧塵寰此間地接許昌請看魏國山河徒留荒草  
輶車遵汝水使者家居茗雪願與故鄉父老同拜靈  
旗

蘇州積功堂聯

乃掩骼埋胔之公所也司事者乞題

積累譬爲山得寸則寸得尺則尺  
功修無倖獲種豆  
是豆種瓜是瓜

舅氏平泉姚公輓聯

公于諸甥中極賞余有天才之歎以第四女女焉



又嘗著疇經衍九疇爲八十一疇命余成其書至  
今不果無以見公地下矣

宅相託空談想盛德如公後起自應能繼美 館甥承  
謬愛媿疇經付我至今猶未有成書

蘇州漱碧山莊聯

潘玉泉觀察索題不知其爲誰氏之莊也

邱壑在胸中看疊石疏泉有天然畫意 園林甲吳下  
願攜琴載酒作人外清游

潘玉泉觀察五十壽聯

觀察乃相國文恭公之第四子此聯丁禹生中丞

極賞之然觀察謙不敢當縣未久卽撤去

以名父子生宰相家有德業事功文章氣節 當中興  
年祝無量壽是英雄儒雅富貴神仙

許信臣撫部七十壽聯

撫部善談名理能以周易及大學中庸說釋典余  
戊辰年主其家旬日撫部每夕出談娓娓可聽也

前詞苑後封疆頻年養望湖山綠野優游共推老福  
內儒書外釋典每夕縱談名理青鐙滋味還似兒時

吳母朱太夫人七十壽聯

太夫人乃平齋觀察之繼母其孫廣庵刺史亦成



進士官吳中矣夫人以五月八日生余與平齋交  
因進此聯爲壽

有子宦三吳喜從前治譜流傳已見桐孫能濟美 後  
佛生一月願自此慈容矍鑠長將蒲酒祝延齡

馮室徐恭人輓聯

恭人乃馮少渠明府之室有賢德且善詞章工書  
法其子聽濤茂才會從余游頗有聲乃母教也

爲名門大婦爲劇縣小君而疏食而布衣盡洗庸庸脂  
粉氣 以官箴勗夫以家學課子是令妻是賢母長留  
落落孝慈聲

李太夫人七十壽聯

太夫人生六子長君筱泉中丞方撫吾浙次公少  
荃相國以大學士肅毅伯督兩湖家門之盛甲海  
內己巳二月三日爲太夫人七十生日余與相國  
爲甲辰鄉榜同年而又承中丞知愛延主講席故  
爲二聯一致中丞一致相國也

起居八坐亦多壽亦多男先百花生日祝慈蔭長春鳳  
舞鸞歌徧浙水東西洞庭南北 文昌六星有上相有  
上將以萬石家風佐熙朝景運玉昆金友比荀龍減二  
賈虎增三



花下版輿來自皖而兩浙而三吳而瀟湘洞庭數千里  
瞻拜慈雲鳳鳥舞鸞鳥歌頌無量壽佛 牀頭朝笏滿  
有子爲宰相爲節度爲觀察轉運五百年特鍾閎氣玉  
策賢金策聖作中興名臣

又

代許信臣前輩作

入鼎鼐出封疆看膝前將相成行武達文通佐一代中  
興大業 月初三春未半祝堂上佛仙齊壽玉牙金齒  
開八旬曼衍遐齡

張仲甫先生八十壽聯

先生爲前庚午孝廉至己巳歲行年八十明年重  
賦鹿鳴矣精神淵著且通內典所著書甚多而春  
秋屬詞辨例六十卷尤爲鉅製亂後燬其版擬重  
刻之然非容易也

萬卷擁書城精神滿腹著作等身積卅年雪案螢窗尤  
於麟經有得 兩回游泮水淨土潛修名場倦踏看明  
載蒼顏鶴髮重歌鹿鳴而來

吳母朱太夫人輓聯

太夫人爲平齋觀察之母廣庵刺史之祖母生于  
五月八日卒于六月九日



有造福三吳之子又有造福三吳之孫先後謳歌盈茂苑  
遲浴佛一月而生再遲浴佛一月而卒去來蹤迹在靈山

李薇生太守六十壽聯

太守于九月四日生其先德曾任安徽廉訪有陰德也

借黃花九秋祝黃堂千秋菊部好翻新樂府 承高門駟馬居高官五馬柏臺行紹舊家聲

江蘇臬署聯

同年應敏齋任江蘇廉訪以署中楹聯無佳者屬

爲更易輒擬數聯詒之亦未知其果用否也聊識

於此

聽訟吾猶人縱到此平反已苦下情遲上達 舉頭天不遠願大家猛省莫將私意入公門

右大門聯上聯乃舊句對聯余所易也

讀律卽讀書願凡事從天理講求勿以聰明矜濁見在官如在客念平日所私心嚮往肯將溫飽負初衷

右大堂聯

且住爲佳何必園林窮勝事 集思廣益豈惟風月助

清談



小坐集衣冠花徑常迎三益友  
清言見滋味芸窗勝  
讀十年書

右便坐聯

許仁山閣學輓聯

閣學爲余甲辰同年在翰林則爲前輩矣嗣子奉  
其喪自京師歸余以此聯輓之

傷心丁卯橋邊萋萋歸來從此過  
屈指甲辰榜上文  
章遭際似君稀

朱績臣處士五十壽聯

處士乃采孫孝廉之父有五子正月十一日其生

日也

有丹桂五株共大椿不老  
先元宵四日祝明月長圓

張太夫人八十壽聯

太夫人乃友山方伯之母方伯官刑曹二十年出  
守秦中遷四川廉訪使由廣東安徽方伯移姑蘇  
而太夫人行年八十矣方伯與家兄同年因獻此  
聯爲壽

京國奉慈輿而秦而蜀而皖粵諸邦又向三吳開壽寓  
元宵張夜宴有子有孫有曾玄繼起行看五代共華  
堂



又

慈雲從京國而來為秦蜀皖粵諸大邦萬家生佛其愛  
日至蘇臺更永與中丞廉訪兩賢母三壽作明時丁雨  
生中丞  
應敏齋廉訪  
均有壽母

韓母王太夫人五十壽聯

夫人為韓君耀輝之繼室韓君以都司殉難有五  
子長殿甲記名提督次殿爵記名總兵次晉昌候  
補副將次殿榮縣令次慶雲直隸州牧同治九年  
夫人年五十二月二日其生日也杜小舫觀察與  
其長君善屬撰此聯為壽

膝前種五樹桂天上拜五花封正仲春鴛降鷓鳴共祝  
五旬壽母 報國提一旅師傳家羅一牀笏看諸子文  
通武達同披一品仙衣

曾滌生侯相六十壽聯

大勇在安民運際中興出名世 小春欣遇閏天教兩  
度祝延齡

丁母黃太夫人輓聯

太夫人為丁雨生中丞之母同治九年七月中丞  
奉命赴天津時太夫人已卧病中丞欲少留一  
二日不許已而病甚中丞猶在津祕不使知烏乎



可謂賢矣

讀晉史慨溫嶠之絕裾若膝下牽衣堂前勸駕旦夕間  
促辦行裝此事須知足千古 在聖門有曾母之齧指  
乃身膺疾疾書報平安巾幗中深明大義至今傳誦滿  
三吳

又

代友人作

多壽復多男有令子有賢孫有文孫之孫五代一堂同  
躡躡 教忠卽教孝是嚴師是慈母是衆母之母三吳  
百粵共謳思

應室凌夫人輓聯

夫人爲應敏齋同年繼室歿于江蘇臬使署

夜月冷皋橋尚有餘芬留德耀 秋風鼓莊缶不堪清  
淚灑安仁

張友山漕帥五十壽聯

時友山新從蘇藩遷漕督十二月十日其生日也

太夫人在堂年八十矣潘季玉觀察屬余譔此聯  
籌添大衍臘遇嘉平奉八秩慈親鶴髮堂前同笑語  
任重漕艦恩承使節合三吳父老驪歌聲裏頌臺萊

史忠正公祠聯

聯上

九



其裔孫花樓大令屬題

明月梅花拜祁連高塚 疾風勁草識版蕩忠臣

王蔭齋觀察輓聯

觀察名曾懋故字蔭齋與余名字皆相合前年在  
滬濱曾與同坐威林密輪船至金陵觀察之歿也  
擬書此聯輓之數字推敲未定竟不果書補錄於  
此

舊夢怕重提海上同舟兩夜聯牀還似昨 微名慙偶

合吳中懷刺一時驚坐更無人

張母孟太夫人八十有四壽聯

太夫人爲子青中丞之母同治十年年八十四正  
月十八日其生日也中丞以丁未第一人歷任封  
圻時新從漕督調蘇撫太夫人猶在淮上也余與  
中丞同年因獻此聯

溯八髀來四番春信青衣鼓瑟祝高堂百年看膝前虎  
武龍文從狀頭至宰相 算元宵後三夜月明金錢買  
鐙慶中興十載聽竟內鸞歌鳳舞自淮北到江南  
應母朱太夫人七十有八壽聯

太夫人爲敏齋廉訪同年之母二月十七其生日  
也敏齋尚未得子時有抱子之望太夫人望之甚



切矣

距花朝五日開萱壽八旬吳下剛翻新菊部 酌春酒  
三杯披仙衣一品懷中行抱小蘭孫

唐母沈太淑人輓聯

太淑人乃鷓安明府之繼母卒年五十八

有令子宦三吳官舍清閑正向北堂樹萱草 距周甲  
尚兩載仙山歸去遠從西母看桃花

沈善士太守輓聯

癸丑夏余在京師乞假南旋眷屬先發余寄居君  
廨數日及君罷官歸主講詒經精舍未久辭去余

遂承其乏于今三年矣聞君歸道山感念今昔寄

此聯輓之

京國整歸裝幾日從君商出處 湖樓開講席三年讓

我養疏頑

王子勤觀察七十壽聯

觀察以五月十日生有子十一人許信臣前輩其  
門下士也屬撰此聯

舞綵滿華堂看膝前簪笏成行以八龍兼三鳳 稱觴

進蒲酒願林下康強逢吉從夏五祝秋千

湯敏齋太常輓聯



太常爲協揆文端公次子咸豐庚申歲疏陳時事  
與當軸者不合遂引退今年卒于吳中厲廬其長  
子名紀尚聞頗能繼其家學也

頓失老成人憶咸豐季年闕下封章持正論  
重披世系表溯文端遺澤牀頭祖笏付佳兒  
恩竹樵方伯五十有四壽聯

方伯喜吟詩與余唱和無虛日六月十一日其生  
日書此爲壽

白香山五十四官蘇州早見詩篇滿吳郡  
范純仁六月中賜生日行看制草出坡公

楊母丁淑人輓聯

淑人能詩工書曾割臂肉和藥療君姑之病所適  
楊君秉字子宣宦游浙江辛酉之春死寇難夫忠  
婦孝是可傳矣

有令德有清才不媿聲稱是賢母  
一忠臣一孝婦最難伉儷並傳人

管洵美明經輓聯

明經乃陳碩甫先生之高足弟子其沒之夕有星  
隕之異碩甫先生名負精毛詩學居吳下之南園  
學者稱南園陳先生也



東壁實文光一星爛然果應此老 南園訪喬木三吳  
學者又失斯人

周母沈太夫人輓聯

太夫人為縵雲侍御前輩之母年八十六而終  
躋八秩更六齡富貴貧賤患難處之夷然屢承芝誥褒  
揚有是兒有是母 以一身兼五福康寧令德考終數  
者備矣請看麻衣羅拜又多子又多孫

惲次山撫部輓聯

撫部以庶常收吏部官至湖南巡撫罷歸乃家兄  
壬甫太守癸卯同年也年來同寓吳下時相過從

所居有櫟樹余去年為書櫟存草堂額不意其遽  
作古人也

大雅宏達是名翰林清通簡要是真吏部嚴明仁恕是  
封疆重臣遺愛長留荆楚地 論芸香俸為前後輩編  
花萼集為同年生訂縞紵交為吳中老友傷心怕過櫟  
存堂

沈仲復觀察五十壽聯

觀察生于九月四日時方從常鎮道調蘇松大道  
尚未隸新任也

為第一泉小駐行旌英蕩將臨黃歇浦 先重九日特



開公宴茱萸預佐紫霞觴

又

觀察實生于九月十日前聯小誤復誤是聯

以玉堂客作金山主人旌節將移且爲第一泉小住  
歌鶴南飛和大江東去茱萸未老好補重九日清游

潘少梅明經輓聯

少梅乃余兄子黼堂之婦翁也工舉子業屢困場  
屋晚年完宗文義塾事余在西湖講舍頻與往返  
今年四月六日余將還吳下尚話別於塾中不意  
別未數月遂作古人也少梅有子曰鴻字儀父乃

詰經精舍之高才生去歲已舉於鄉矣

論年齒宜兄事論昏媾是親家憶浴佛前兩日話別依  
依何意重來失良友 以道義式鄉閭以舉業訓後進  
與及門二三子談文娓娓所欣繼起有佳兒

財神廟聯

潘玉泉觀察屬誤久無以報命偶於舟中集四書  
語作二聯與之亦不知其果用否也

無以爲寶惟善以爲寶則財恆足矣 義然後取人不  
厭其取又從而招之

生財有大道則拳拳服膺仁是也義是也富哉言乎至



足矣 君子無所爭故源源而來孰與之天與之神之  
格思如此夫

又

西湖孤山有財神廟廟中聯語無一佳者余擬書  
此聯縣之未果也

梅鶴洗酸寒且教逋老揚眉葛仙生色 鶯花添富麗

恰稱金牛湖上寶石山邊

李少荃爵相五十壽聯

余與相公爲甲辰同年聞其於同治十一年正月  
五日慶五十壽寄此聯祝之公時爲直隸總督

以歲之正以月之令春酒一尊爲相公壽 治內用文  
治外用武長城萬里殿天子邦

汪蓮府駕部六十壽聯

駕部乃 先君門下士余三十六年來老友也以  
孝廉官卽署未久卽移疾歸新安故里以齒德爲  
一鄉望今歲行年六十矣十一月二十日其生日  
也余方在西湖詒經精舍寄此壽之

北闕賦歸田歸然作東魯靈光際一陽始生逢六旬初  
度 西湖勞望遠安得跨南飛瑞鶴來桃花潭上拜柏  
葉仙人



柳母俞孺人輓聯

孺人乃柳質卿孝廉之母議者以孝廉有前母宜稱繼母孝廉以書問余余按儀禮喪服篇繼母如母疏曰繼母本非骨肉故次親母後然則以親母而謂之繼母義不可通矣孝廉從余言遂稱先妣余因書此聯輓之

生稱母死稱妣必也正名一字記曾參末議 鍾氏禮  
郝氏法幸哉有子九泉會見賁恩綸

羅壯節王貞介兩公祠聯

壯節名遵殿乙未進士浙江巡撫貞介名友端丁

未進士署浙江布政使同死庚申之難者也浙江

省城新建兩公祠高滋園都轉屬題此聯

由名進士起家為名臣一開府一開藩浙東西崇德報  
功人與白蘇共千古 是大丈夫出身臨大節以死戰  
以死守城內外矢窮援絕天教巡遠作雙忠

曾文正公輓聯

余受知文正最深庚戌進士覆試公充閱卷官以  
余詩有花落春仍在句期許甚大余以春在名堂  
識感亦識媿也山積木壞吾將安仰於輓聯仍及  
此意追惟昔歎曷勝泫然



是名宰相是真將軍當代郭汾陽到此頓驚梁木壞  
爲天下悲爲後學惜傷心宋公序從今誰誦落花詩

吳仲雲制府輓聯

制府爲嘉慶甲戌翰林至余庚戌入詞林爲一十  
九科前輩矣官至雲貴總督引疾歸門戶蕭然與  
寒士不異晚年主講敷文書院與余所主詒經精  
舍止隔一西湖也

樹滇黔數萬里外威名歸卧林泉一品門庭若寒素  
湖翰苑十九科前老輩叨陪杖履半年壇坫共湖山

吳曉帆方伯輓聯

曉帆曾攝蘇藩有宦蹟歸里後於里中善舉皆力  
爲之余今春至福甯省親曉帆使人至江干爲余  
問船價甚拳拳不意自閩中還遽哭其死也

送我八閩游何意歸來失良友 惟公一鄉望深爲吾

黨惜斯人

吳母徐太夫人七十壽聯

太夫人爲吳子儁庶常之母布衣蔬食貴而能貧  
庶常先以軍功積官至觀察辛未會試入詞林鄉  
人榮之時余與同寓吳中以此聯爲壽

芝誥日邊來積半生克儉克勤天以佳兒報賢母 版



輿吳下駐願此後多福多壽人從盛夏祝長春

恩竹樵中丞五十有五壽聯

竹樵吾詩友也六月十一日為其生日余去年曾  
壽以一聯今又贈此時奉 命攝蘇撫矣

歌詠滿三吳喜玉節金符新自屏藩晉開府 唱酬同

一集願冰桃雪藕長從六月祝千秋

翁母許太夫人輓聯

太夫人為常熟翁文端相國原配藥房中丞 同書

玉甫中丞 同爵 叔平閣學 同蘇 皆其子也夫為宰

相子孫皆狀元極筭珈之至榮其歿也 詔書褒

美 賜祭一壇蓋曠典也文端為先朝議君同年

樾以年家子敬獻此聯固未足揄揚萬一耳

夫為宰相狀元子狀元孫看門庭武達文通世代勳賢

會見章平承舊業 帝褒賢母御賜祭御賜葬極恩禮

隆天重地年家子姓敬從鍾郝緬遺徽

高辛才觀察八十壽聯

觀察名應元乃嘉慶癸酉拔貢仕至四川永寧道

引疾歸因故里富陽無家廡居杭州時又自杭移

蘇將至揚州因其孫從長蘆改官兩淮入京師引

見將歸也八月下旬遇其生日以此聯為壽



泛宅到三吳喜捧檄而歸日下蘭孫新得意 縣弧逢  
八月想稱觴一笑月中桂子共長生

又

代許信臣前輩

吳下故人來是六十年前總角舊交皓首龐眉登八十  
弧南壽星見正中秋節後綬亭高會瓊樓玉宇慶千

秋

許母姚太夫人七十有八壽聯

太夫人爲許小舫太守之母九月二日其生日也  
躋七十又八齡萱壽行看登百歲 先重九只六日菊

花剛好祝千秋

汪瘦梅水部輓聯

余未通籍前館新安汪氏最久水部卽彼時從學  
者也舉孝廉官水部未成進士鬱鬱成疾卒於京  
師其弟芙青嵯尹八都奉其靈輓挈其妻女以歸  
途中又亡其長女今僅存一女是亦可哀也已余  
去新安二十二載然故交零落殆盡今又哭君不  
自知其言之悲也

置身卽署十六年名心未死病骨遽銷孀妻弱弟扶旅  
櫬而歸到此膝前止存孤女 回首新安廿二載館舍



荒涼知交零落感舊傷今向秋風一  
動痛吾門下又失  
斯人

劉聽襄庶常輓聯

庶常乃丁未前輩也余主講詒經常相見今年四月  
月閒猶來湖上長談半日及九月中再至西湖則  
已作古人矣

溯廿年前詞館清聲林下相逢尊老輩 憶四月中湖  
樓閒話秋來重到失良朋

蔣紅小築聯

蘇州山塘斟酌橋新修東陽張忠敏公祠旁屋數

楹應敏齋廉訪署曰蔣紅小築頗有泉石竹籬荷  
沼楚楚可觀癸酉秋余將有武林之行倚裝題此  
小築三楹看淺碧垣牆淡紅池沼 相逢一笑有袖中  
詩本襟上酒痕

陳母湯太淑人輓聯

淑人爲陳仲泉觀察之母嘗偕贈公南至廣西西  
至甘肅備嘗辛苦贈公卒哭之失明今年冬歿於  
直隸仲泉觀察需次吳中聞信奔赴余與觀察同  
年故輓以此聯

淚眼十年枯憶從前辛苦隨夫紙閣蘆簾遠歷關山到



秦隴 悲風千里動憐吾友倉皇聞訃麻衣桐杖獨衝  
風雪到幽燕

倪母張太夫人輓聯

太夫人爲載軒觀察之母其卒也有姑在堂  
封膺一品壽屆七旬戚黨流傳共羨膝前有賢子  
谷陽回萱闈春去歲除將近最難堂上慰慈姑

吳室孫夫人輓聯

夫人爲吳彤雲觀察之配幼失怙恃育於兄嫂既  
歸吳撫八歲小姑以迄于嫁亦如其兄嫂中年挈  
子女避兵辛苦備嘗遂得拘攣之疾困頓牀席者

幾十年將卒猶命其子善事庶母亦云賢矣

噩耗到江南湖自早歲零丁中年離亂暮齒又疾疢纏  
綿何怪神傷苟奉情 褒揚來日下想其勤儉相夫孝  
友舅子恩義逮徧妻女妹允推閨範宋宣文

汪觀瀾封翁與劉夫人輓聯

封翁與夫人結縭六十載於壬申年重行合卺之  
禮至是年十二月夫人卒明年元旦封翁卒相距  
九日亦人瑞也

倡隨到六十年白髮蒼顏已屆耄期重合卺 考終完  
九五福年頭臘尾未踰旬日兩游仙



沈韻初中翰輓聯

中翰嗜書畫癖金石問字於余十餘年矣頻以金石疑義相質洵門下一佳士也卧病一載竟以不起其母夫人猶在堂是可傷已

一載卧沈病李賀牀頭呼阿嬾 十年問奇字楊雲門下失侯芭

賈耘樵觀察輓聯

觀察以縣令起家曾攝蘇臬

陳臬蘇臺長使吳兒歌賈父 題詩水閣更無耘老和坡翁

丁濂甫學使同年輓聯

學使視學吾浙今春招同杜蓮衢侍郎小飲於其署齋皆庚戌同年也出所著蜀游草一卷屬余商定又畫橫幅及團扇見贈乃未數月而遽歸道山矣可傷也

小集三同年杯酒清談猶憶同商蜀游草 傷心一分手畫圖留贈不能再寫浙中山

潘母汪太宐人輓聯

宐人爲潘蘭儀司馬之母卒於同治十二年閏六月之朔年七十四生七子今存其二有孫八人守



節四十餘年其長女守貞不字先母卒同治八年  
母女同請 旌倪載軒觀察厲蘇爲其西鄰屬代  
撰斯聯

青燈四十載獨抱冰心歎膝下佳兒止存雙鳳閨中貞  
女先跨孤鸞老景逼桑榆半死枯楊遭閨厄 卅詔九重  
重天特褒苦節算萱花慈壽已過七旬桐樹孫枝剛符  
八士高風留綽楔平分清籟到鄰春

魁時若將軍七十壽聯

將軍生於閏六月至癸酉歲行年七十又逢閏六月  
時官成都將軍許信臣前輩屬撰斯聯寄之

周亞夫真將軍溯從前崧生嶽降正碧梧益葉之年而  
今八秩初開清簟疏簾又駐羲鞭逢閏六月 郭汾陽大  
富貴看諸子武達文通如琪樹凌霄而起從此一門鼎  
盛木公金母好書蜀錦祝秋千

朱久香前輩輓聯

先生安徽學政報滿卽謝病歸餘姚故里曾以花  
陰補讀圖屬題今年又屬書四明樓額未及書而  
先生歸道山矣公子鎮甫孝廉當先生七十生日  
乞言爲壽曾以三老碑爲贈乃餘姚客星山中新  
出漢碑也



謝蕩節而歸田故山泉石前輩風流沒世無慙三老碣  
坐花陰以補讀碩德雖亡遺書猶在拈毫敢署四明樓

何子貞前輩輓聯

先生在史館曾建議修三品以下列傳卒不果行  
晚年居吳中於維揚書局刊大字本十三經注疏  
手自讎校甫畢毛詩從事三禮未卒業而歸道山  
先生書名滿天下爲當代魯靈光余辱先生知愛  
書此聯輓之舉其大者其餘瑣瑣可無述也  
史館建嘉謨惜創議未行三品下庶僚至今無列傳

講堂刊定本柰校讎方半九經中大義從此付何人

金小韻太守六十有九壽聯

太守由臧尹累擢至知府歷佐戎幕有聲三子五  
孫濟濟稱盛其曾祖母在時曾有五代一堂之慶  
庶幾其再見乎  
六秩又九齡湖起家出筴歷佐戎旃此後勲名殊未艾  
一堂曾五代看伉儷齊眉兒孫繞膝從前佳話定重  
來

徐誠庵大令輓聯

誠庵爲余三十八年前同補博士弟子員老友宦



游吳下不得志而沒然所撰詞律拾遺實足爲萬  
紅友功臣余嘗爲序而行之半世苦心庶其不負  
乎

補四百餘闕新聲傳世應偕萬紅友 溯三十八年舊  
夢與君同是一青衿

德清烏山土地廟聯

余舊居德清烏巾山之陽距所居里許有土穀祠  
父老相傳曰堯皇土地不知何義然長興有堯市  
山一統志云堯時洪水民避難於此成市則吾邑  
有堯時迹亦無怪也歲在癸酉廟重脩落成爲題

此聯

耕而食鑿而飲相傳中古遺風尚留邨社 春有祈秋  
有報願與故鄉父老同拜神旗

台州東湖湖心亭聯

台州之有東湖猶杭州之有西湖也出東郭門不  
過半里湖光山色與西湖無異隔以長隄分裏外  
湖其外湖有湖心亭傑閣三層登臨最勝爲題此  
聯

好水好山出東郭不半里而至 豈晴豈雨比西湖第  
一樓何如



江蘇藩署聯

同年應敏齋廉訪攝蘇藩屬擬署中楹聯未知果用否

燕息敢忘天下事 和平先養一家春

右內室

小集賓僚同骨肉 縱談政事即文章

右客坐

趙母蔣太恭人八十壽聯

恭人爲趙兩田大令之母生三子皆成立其前室所生子已有曾孫在恭人爲五世同堂矣四月二

聖十七日其生日也

萱花不老芝草有根已見一堂羅五代 八秩初開百齡將屆好從首夏祝長春

杜筱舫觀察六十壽聯

觀察初學申韓家言從鹽官起家歷署藩臬著有古謠諺及平定粵寇紀畧江南北大營紀事本末及萬紅友詞律校勘記始生時其大父夢一老僧擔簞入室蓋有夙根云

從名法入手由鹽官起家而陳臬而開藩意思蕭閑共識東坡是五戒轉世 紀近代戰功輯古來謠諺又工



詞又能書精神淵著請歌南山之六章壽公  
海盜觀音殿聯

同治二年海盜猶陷賊中於北門內後街民間屋  
壁得八面觀音銅像一尊不知何年所鑄也因供  
奉天后行宮而是年官軍即收復海盜浙西以次  
肅清蓋慈容見而劫運消非偶然也寺僧仁壽屬  
題爲書此聯

八面現金容看一出入閒便消劫運 十方瞻寶相願  
大家心上各發慈悲  
理安寺靜室聯

理安寺燬於賊新築靜室三楹余每游九溪十八

澗必至此小坐因書一聯

竹筧潛通十八澗 蒲團小坐兩三時

峩眉山館聯

吾浙布政司署前有山俗呼管米山以宋糧料院  
得名實則爲峩眉山同治甲子歲諸同人於其地  
建崇義祠祀庚辛死難諸公祠之右積石嵯峩乃  
山之峯也面峯築屋三間顏曰峩眉山館並移大  
洞經閣宋思陵御書道德經石幢於其前丁君松  
生屬題楹帖率書十四字至山名峩眉不知何取



或如太平寰宇記所載南浦縣蛾眉磧以形得名乎

古墨尚存宋時石 遙青如對蜀中山

湖心亭聯

聖因寺僧永清屬題

四面軒窗宜小坐 一湖風月此平分

徐莊愍公祠聯

公名有王歸安人官江蘇巡撫庚申城陷死之其妾施氏子震翼及一女皆死幕友僕妾從死者五人同治十三年建祠蘇州同鄉諸君屬題此聯按

謚法履正志和曰莊使民悲傷曰愍聯語用之附記以告觀者

仗節鎮危疆當軍事土崩瓦解不可收拾之時視城中無固志視城外無援兵糜頂踵以報君恩婦豎輿臺同授命 結纓完大義與謚法履正志和使民悲傷有合在吳會為名臣在吳興為先達節春秋而修祀典日星河嶽共昭垂

莫愁湖勝棋樓聯

樓有徐中山王像相傳王與明太祖奕棋而勝即以此湖賜之湖中荷花彌望無際



占全湖綠水芙蓉勝國君臣棋一局 看終古雕梁玳瑁盧家庭院燕雙棲

馮景庭宮允輓聯

宮允以庚子第二人及第遷中允後即乞歸優游  
林下潛心著述物望甚隆又善治生今年夏以老  
病終時方修蘇州府志未竟深為三吳文獻惜之  
富貴壽考重以科名奠海內知交都無此福 儒林文  
苑兼之經濟歎吳中耆舊頓失斯人

贈張任庵同年聯

仕庵同年名保衡以道光己酉舉於鄉庚戌成進

士其嗣君瀚堂中翰名德霈以同治癸酉舉於鄉  
甲戌成進士父子並以酉戌聯捷亦科名佳話也  
北山梓南山橋聯步到桂宮杏苑 酉年科戌年第成  
名占後甲先庚

贈潘築巖茂才聯

茂才為相國潘文恭公之孫娶道光壬辰狀元吳  
崧甫侍郎之女於十月初旬親迎成禮書此賀之  
門第舊金張喜宰相文孫剛配狀元嬌女 倡隨小梁  
孟締百年嘉耦恰當十月陽春 人將十餘人夫人同喜  
潘季玉觀察六十壽聯



觀察爲文恭相國之子以刑部起家庚申之亂克復蘇州與有力焉有子四人孫十餘人夫人同官眉壽於今年十一月初旬稱六十之觴書此壽之相門碩望郎署清才功德在珂鄉驥子龍孫能濟美一陽將生六旬初度笙歌圍綺席木公金母共長春張太夫人輓聯

太夫人爲振軒中丞之繼母今年九月卒於江蘇節署  
玉帳動金風吹散慈雲剛九月  
北堂拜西母畱將福蔭在三吳

鄒蓉閣縣尉輓聯

蓉閣能詩錢塘人官長洲典史蓋賢而隱於下位者也今歲杭州老輩高辛才觀察張仲甫中翰先後下世蓉閣繼之不勝耆舊凋零之感

耆舊歎凋零杭郡連傷三老輩  
閒官擅風雅吳中頓失一詩人

楊石泉中丞四十有九壽聯

中丞生於九月九日時適請覲  
朝廷以海疆有事未允也

仗節久西湖纔見仙籌添大衍  
攜香遲北闕好憑春



酒醉重陽

高辛才觀察輓聯

觀察名應元富陽人登嘉慶癸酉拔萃科以縣令起家仕直隸河南最久後遷四川永甯道引疾未赴余昔年奉使中州以歲科兩試至懷慶君適爲太守甚相得庚辛之亂余避地天津君亦寓此過從益密及余南還寓吳中而君亦歸訪我春在草堂嗣是無歲不於蘇杭相見今年夏閒君移家自揚州歸杭道出吳中向余借西湖話經精舍暫住不意其竟卒於是也聞君易簀時其家人焚寓車

寓馬皆騰空而起高出樓屋不知所之意其必生

天矣

浙水舊文雄明經釋褐縣令起家雖錦江玉壘未莅雙旌至今治譜流傳三輔兩河猶歎美 覃懷賢地主同客津門重逢茂苑看皓首龐眉將登九秩何意湖樓暫借雲車風馬遽來迎

張仲甫先生輓聯

先生登嘉慶庚午賢書其先德適官閩撫謝恩疏入 仁廟御批欣慰二字同治庚午重賦鹿鳴所箸春秋屬辭辨例一書曾呈 乙覽亦儒



者之至榮矣

耆年碩德兩賦鹿鳴篇憶從前初奏笙簧喜動天顏曾  
一笑辨例屬辭獨得麟經意想此後不祧俎豆長傳  
絕業到千秋

高滋園都轉六十壽聯

都轉官浙最久歷官至鹽運使署按察使加二品  
銜引疾歸仍居杭州今歲行年六十九月二十四  
日其生日也

官兩浙近卅年以二品歸田仍在白蘇舊治 過重陽  
剛半月爲六旬介壽恰當黃菊新花

江寧仇夫人輓聯

夫人爲江小雲觀察之配通文墨而不爲詩詞喜  
觀史每以史中可法可戒事爲子若婦言之尤好  
施與能急人之急庚申辛酉之亂戚黨中往依之  
自顧者人人欣助之罄所有不惜臨終自爲輓聯曰平  
生儘爲誰忙代夫子辛勞敢分人已家法原非我  
設受祖宗懿訓敬告兒孫烏呼是亦女有士行者

矣

以巾篋中人常落落然有儒生氣象有豪傑襟懷日對  
青史一編迥異尋常脂粉輩 當縣愒之際所拳拳者



在祖宗懿訓在兒孫家法手題總帷數語豈惟明白去  
來聞

無錫惠山五中丞祠聯

五中丞者海忠介瑞周文襄忱周懷魯孔毅湯文  
正斌李文恭星沅也祠成後應敏齋同年屬題  
自勝國至熙朝歌詠不忘四百年來五開府以事功  
兼學術馨香無愧九龍山下一崇祠

吳山倉頡祠聯

吳山新建倉頡祠前臨浙江後枕西湖形勢殊勝  
吳康甫大令之所定也康甫屬題此聯

上溯羲皇畫八卦時文字權輿秦而篆漢而隸任後來  
縑素流傳不外六書體例高踞吳山第一峰頂川原  
環抱江爲襟湖爲帶看從此菁華大啟振興兩浙人材  
倪載軒觀察輓聯

觀察由縣令起家以道員候闕未補官也數年前  
曾買蘇州大儒巷屋居之余爲題其舫齋曰小搖  
碧今年就余商量擬疊石穿池略仿余曲園規制  
未果而卒

卜宅闔閭城園林花木猶待評量遠歸海上仙龕冷落  
空齋小搖碧 歷官觀察使霖雨經綸未遑展布徒令



吳中父老歛歔遺愛古龔黃

吳中二程子祠

為恩竹樵方伯作

後尼山千五百年篤生兩先生闢邪說辨異端道統天  
開正所以下啟紫陽上承鄒嶧 環蘇臺數十萬戶過  
此一瞻拜黜浮華崇實學士風日起庶不愧言游故里  
泰伯遺封

楊石泉中丞五十壽聯

中丞生於九月九日去年四十有九曾贈一聯今  
年正五十矣因又贈此是歲為光緒元年 恩科

鄉試中丞充監臨官又為武闈主考也

鍾三湘秀氣為兩浙福星奮武揆文恰值賓興大典  
借九日秋光獻五旬春酒翔襪集嘏恭逢御極初元

石門高氏祠堂聯

高氏出齊公族由穀熟遷姑蘇晉元興時又由蘇  
遷池州其地在九華山西南曰魁峯曰石門曰桃  
塢皆其地也高滋園都轉屬撰祠堂楹聯因據其  
家譜所云為題長句

卜宅晉元興石門秋色桃塢春風聚九華秀氣緜延累  
代簪纓後裔至今懷祖澤 溯源齊公族穀熟分支姑



蘇別派守百禩清芬崇奉不祧俎豆先祠終古傍魁峯  
許母盧太夫人輓聯

太夫人乃余次女之姑也余親家翁季傳孝廉為  
山東掖縣令卒於官身後無餘貲夫人拮据支持  
歷十餘年心力交瘁所生二子長曰觀身字子賓  
由拔貢生舉孝廉以病廢次日祐身字子原則余  
女壻也亦已捷於京兆矣餘三子皆庶出  
有弱女感姑恩為言辛苦持家十載傷心搔白髮 勛  
諸孤成父志會見聯翩競爽一門接踵到青雲  
蒯士香同年廉訪七十壽聯

廉訪由知縣起家官河南光州牧時戰功甚著張  
朗齋軍門以姻家子為帳下健兒今官至提督立  
功塞外為當代班定遠矣余與廉訪甲辰同年也  
故以此聯壽之

溯轉戰申息開軍前部曲萬里封侯白髮坡仙猶坐冷  
泉判公牘 憶同登甲辰榜都下讌游卅年成世黃花  
魏國長從老圃看秋容

此聯曾面為廉訪誦之本擬還蘇寓後買長箋寫  
寄乃未及寫而廉訪逝矣因易其語曰溯轉戰申  
息開軍前部曲萬里封侯至今鬢雪飄蕭尙有雄



小談往事憶同登甲辰榜都下燕游卅年成世可  
歎晨星零落又將清淚哭明公不勝故舊凋零之  
感矣

金眉生廉訪六十壽聯

眉生喜談經濟意氣浩然亦當代振奇人也值其  
六十生日以此壽之上聯用陳同甫語非此老不  
能當下聯則用香山太傅耳順吟中語

推倒一世豪傑拓開萬古心胸陳同甫一流人物如是  
如是 醉吟舊詩幾篇閒嘗新酒數盞白香山六十歲  
時仙乎仙乎

沈蘭舫廣文五十壽聯

余曩居臨平時蘭舫曾受業焉其地有臨平湖所  
謂東湖者也比年來余主講西湖詁經精舍蘭舫  
又充監院官光緒元年值其五十初度蓋小於余  
者五歲而其生日爲嘉平朔則又先我一日因自  
吳下寄此聯壽之

共學東湖同客西湖坐對臘燈懷舊雨 五年遲我一  
日先我互斟春酒祝長生

張母彭太宜人輓聯

太宜人生三子長曰紹渠以進士作令吳中次日



紹軒余視學中州時所取士也三日紹潛亦諸生  
紹渠子德迪已入詞館矣太宜人年八十而卒寄  
此聯輓之

問俗到中州記壺史流傳於孝友門風見宣文母範  
享年登大耋況家聲鼎盛有琴堂令子與芸館賢孫

吳母朱太宜人七十壽聯

太宜人爲時山大令之母光緒二年正月八日其  
七十生日也已有曾孫矣

羅四世於一堂有子有孫曾再茁蘭芽便成五代 由  
七句而百歲曰耄日期頤每逢穀日敬祝千春

許雪門太守六十壽聯

雪門工詩自編其詩自道光庚子至咸豐壬子爲  
悠游集自癸丑至同治癸亥爲蒿目集甲子以後  
則爲上元初集時之治亂具見其詩光緒二年正  
月七日爲六十生辰以此聯壽之是歲正月初十  
日立春

先立春三日作生辰千萬戶柏酒桃湯敬爲使君壽  
合大集一編卽年譜六十歲前憂後樂又到上元初

王補帆中丞輓聯

中丞爲余庚戌同年同官翰林在京師時晨夕往



還無閒也遂以余長女妻君仲子年來君歷官至  
閩撫所至有聲今年駐節臺灣辦理招墾之事甫  
還省垣遽捐館舍雖 恩禮優渥亦可哀矣去年  
在吳中與余倡酬和人字韵各十餘疊此樂詎可  
再邪

乘桴過斗六門邊瘴雨蠻煙不辭辛苦立功在絕徼蓋  
視傅鄭尤難偉矣半載經營盡闢天南生熟地 回頭  
思廿七年事敝車羸馬時相過從同譜若弟兄遂訂朱  
陳之好傷哉一朝訣別未完吳下倡酬篇  
瓜爾佳李夫人輓聯

夫人爲恩竹樵方伯之配方伯之攝漕督也夫人  
與偕及回蘇藩任方伯南來夫人北去遂別矣方  
伯爲余詩友槐雲館其所居齋名也

使節記南來漂母祠邊遂成長別地 吟懷勞北望槐  
雲館內添得悼亡詞

朱母趙太淑人六十壽聯

淑人爲朱竹石司馬生母有子三人其生辰爲正  
月二十四日前期三日爲其幼子梅石娶婦

三珠樹環侍一金萱添箇比肩人來助綵衣舞 周甲  
年剛逢建寅月畱將婪尾酒敬祝錦堂春



葛母李太夫人輓聯

太夫人爲吳縣葛瑞卿明府之母河南許州人也  
行年八十卒於吳縣署

二品紫泥封穎上版輿花縣迎來眾母母 八旬黃髮  
壽吳中丹旒饗歌送到大家家

張少渠別駕五十壽聯

少渠性好善遇善舉必勇爲之去年四十有九奉  
檄預江蘇海運之役將附福星輪船以行忽捨之  
而就他船福星船竟沈於海君幸而免僉曰是好  
善之報也今年五十矣因書此爲壽

不福星眞福星卽此一言可爲君壽 已五十又五十  
請至百歲再徵余文

佛殿聯

三藐三菩提與大眾同游淨土 一花一世界看我佛  
卽在靈臺

費室張夫人輓聯

夫人爲費幼亭觀察繼室幼亭寓吳下方議遷寓  
夫人日閒猶爲相度新居其夕遽卒

吳下議移家停車半日相度新居何期驟中膏肓仙夢  
三更俄跨鶴 天邊榮錫誥隨宦廿年勤勞內治忍使



未衰夫婿傷心一曲賦離鸞

顧室葉淑人輓聯

淑人爲顧竹城明府之配年五十九四月三日卒  
鶴壽未六旬仙去後一年再向仙山獻壽 鶯花過三  
月佛生前五日遽歸佛地拈花

趙忠節公祠聯

公諱景賢字竹生余甲辰同年也粵賊之亂起義  
兵衛鄉里守湖州城三年城破後陷於賊罵賊死  
在朝忠臣在鄉義士百戰艱難至死不二 有唐睢陽  
有宋信國千秋俎豆得公而三

自題春在堂聯

先祖南莊府君嘗舉韓昌黎詩此日足可惜一語  
以勉人曰此語極有味試思明日亦日也然非此  
日矣明年亦有此日也然非今年此日矣然則古  
人惜分陰豈爲過乎蓋府君篤志於學故其訓人  
若此又先舅氏姚平泉先生嘗自言以出世之心  
行入世之事斯言亦極有味樾因竊取此二意爲  
一聯異日當書而懸之春在堂焉

日有明年之日年非今日之年吾祖南莊府君是以垂  
惜日之訓後人宜敬體此意 事或入世之事心仍出



世之心先舅平泉老人用此為處事之方小子竊有味  
其言

楹聯錄存中

德清俞樾

徐雲階部郎輓聯

雲階為震澤縣之震澤鎮人曾舉義兵衛鄉里亂  
後又勦辦善後之事其沒也余銘其墓  
負幹濟長才小試於鄉已為遺黎復元氣  
綜生平義舉大書其事愧無巨筆誌幽宮

陳子舫太守輓聯

子舫為先兄癸卯同年以太守候補江蘇卒於江

甯





二千石太守清貧雖負長才未施利器 三十載同年  
寥落既傷老友更念先兄

陳母繆淑人輓聯

大淑人爲同年陳訐堂司馬之母其家始極貧淑人  
具饘粥食舅姑而自掘野菜作羹以充饑訐堂官  
吾浙就養浙中者數年然勤儉如故也卒年七十

七

多福多壽過七秩又七齡芝誥榮封大好桑榆新景色  
克儉克勤歷一生如一日版輿就養未忘藜藿舊家

風

濮少霞觀察七十壽聯

少霞舊宦蜀光緒三年正月其生日也

陸放翁於老學庵中話成都舊游燈市笙歌正月節  
白樂天從大歷年閒到會昌初載香山詩酒七旬人

鄭畬香孝廉輓聯

孝廉太湖東山人曾官戶部光緒丙子十二月自  
湖北歸卒於滬濱時其父年六十餘矣

臘鼓動悲音千里征帆輾軸迎歸黃歇浦 春明樹文  
望一官農部科名盼斷白頭親

張母孟太夫人輓聯



太夫人爲同年子青制府之母年九十矣正月十  
八日其生日也於正月三日卒

一品紫泥封看膝前令子賢孫更有曾孫同躡踊 九  
旬黃髮壽正歲首良辰吉月再遲半月卽稱觴

先是余曾爲壽聯將書而未果不意遽易壽爲輓  
也因亦附錄於此云養志在東山看膝前有令子  
有賢孫有婚冠之曾孫會見一堂成五代騰歡徧  
南服自日下而梁園而吳會而閩浙諸都會齊從  
正月祝千春制府曾官豫撫由河督漕督移撫三  
吳遷閩浙總督陳情乞養故聯語云然也

錢太淑人輓聯

太淑人爲子密樞部之母女而有士行者錢故禾  
中望族太淑人嘗舉其先世故事訓其子孫云  
九五福令德考終向來尹吉遺型彤史允堪輝柱下  
六十年清門舊事此後孫曾環立白頭無復話鐙前

吳勤惠公輓聯

公名棠以縣令起家官至四川總督以病乞歸到  
家九日而卒亦咸同間名臣也余曾承其延主受  
經書院以遠不赴今其卒擬以一聯輓之因循  
未果萬小庭大令其門下士又有葭苕戚屬余代



撰此聯因錄而存之

由牧令起家不十載簡在帝心而監司而開府卅年來  
勤政惠民允推柱石勛名豈僅徧隅資保障 從成都  
返旆只九日身騎箕尾若闔浙若江淮千里外報功崇  
德何況葭莩成誼曾陪下坐在門牆

沈母張太恭人輓聯

太恭人爲翠嶺沈君之配樂善好施道光二十九  
年大水沈君借庵村報恩寺設局養饑民太恭人  
手製綿衣數十褶以賜又嘗乘舟之平望過楊家  
蕩遇風乃命其孫中堅召水工於下流最深處築

堤三十丈有奇至今賴之

嘉言懃行落落數大端至今客路經過楊蕩隄邊定有  
叢生慈竹 仁粟義漿孳孳八十載長使災黎感泣庵  
村寺內頷來手製寒衣

浙紹會館聯

在蘇州盤門新橋巷余爲題二聯一懸客坐一聯  
戲臺

游宦到金閶把越酒話鄉關如讀會稽三賦 清時調  
玉燭借蘇臺成雅集勝在永和九年  
高會卽蘭亭敘觴詠幽情更饒絲竹興 新聲徵菊部



對蘇臺風月應憶鏡湖遊

周琳粟觀察輓聯

觀察以孝廉官天津府知府遷天津河間兵備道  
四十外卽謝病歸卜居於杭州橫河橋有園林之  
勝光緒二年卒齒未五十余在天津與君相識君  
時猶中書舍人也

剛七載臥林泉最憐甲第經營便有青山終老意 由  
一麾遷觀察回憶丁沽款治及君紅藥賦詩時

鍾子勤孝廉輓聯

子勤精穀梁之學著穀梁補注二十四卷主講上

海敬業書院者十餘年余每至滬必與討論經義  
今不可得矣其歿也年六十

廿四卷補注爲穀梁子功臣頻年手校青編鏤版告成  
猶及見 六十歲耆儒是乾嘉間宗派此後我來黃浦  
談經同調更無人

沈母李氏蔣氏兩太夫人壽聯

李爲沈蓮溪觀察之配蔣爲沈雪門廣文之配娣  
姒也觀察公爲嘉慶丙子優貢廣文公則是科領  
鄉薦皆 先大夫同年也光緒三年李年七十蔣  
年八十書森太守乃廣文公子而嗣觀察公者也



奉兩太夫人於八月十三日合而稱觴云

鍾夫人禮郝夫人法登入詠樓互相輝映 七十日孝  
八十日孝唱百年曲同到期願

朱母趙太淑人七十壽聯

太淑人爲朱少虞農部之母其君舅曾爲某縣校  
官太淑人從之覺舍奉侍甚謹光緒三年年七十  
矣少虞迎養於京寓九月中其生日也寄此聯壽  
之

佳節過重陽借九月鞠華祝七旬萱壽 慈顏生一笑  
對綺筵甘脆憶冷暑羹湯

杭州安徽會館聯

爲徽人之宦浙者作不知其書何人之名亦不知  
其果用否也

游宦到錢唐飲水思源喜兩浙東西與歙浦江流相接  
鍾靈自瀟嶽登高望遠問雙峰南北比皖公山色何  
如

八旗奉直會館聯

在吳中卽以拙政園爲之固三吳勝地也  
勝蹟冠吳中有梅村詩句衡山畫圖坐對茶花思往事  
名流來日下是豐沛故家金張貴姓好憑酒盞話昇



平

吳桐雲觀察輓聯

觀察為湖南沅陵人曾從戎幕有戰功後為曾文正公 奏調江蘇統帶輪船遂歿於滬其生卒皆十二月初八日亦可異也

仕宦本勞人況當陽九年戎馬軍中騰輪海上 去來皆佛地兩逢臘八日西山毓秀申浦歸真

許季蓉明府輓聯

季蓉於兄弟行居第五乃信臣撫部之子官江蘇嘉定縣卒於光緒三年十二月二十七日其明年

二月乃信臣撫部八十生日也

何準第五許慎無雙祝堂上八旬正擬椿庭同舞綵  
病共秋深算隨臘盡賸年前三日不能花縣再頒春

濮少霞觀察輓聯

少霞宦蜀中二十七年曾管前後藏及拉里軍糧  
府攝夷情章京督辦乍了夷務班禪喇嘛錄為弟子  
子贈名羅桑策忍譯言心好長壽也光緒四年二月  
卒於家年七十有一

歷萬里以歸來巴蜀舊使君班禪大弟子 踰七旬而  
化去神仙蘇玉局兜率白香山



馮竹儒觀察輓聯

竹儒觀察乞假出關奉其父尹平刺史遺骨以歸  
適有 朝命引見乃疾行而返甫至滬濱遽捐館  
舍其人有肝膽喜談經濟有用才也其祖子皋先  
生實與 先君子同舉於鄉故有通家之誼在滬  
上時與余交甚深今聞其逝不禁泫然寄此聯輓  
之

負父骨而返聞君命而趨是真忠臣是真孝子 論人  
才可惜念交誼可感一則公義一則私情

邵荻洲觀察七十壽聯

觀察以水部郎起家年上古稀精神強固其幼子  
卽今歲所生也矍鑠可想矣

矍鑠古稀翁添箇嬌兒作生日 清閒觀察使本來水

部是詩人

應敏齋同年適園聯

敏齋築適園於杭之忠清里泉石之勝與真山水  
無異有三層樓登其上層則襟江帶湖空曠可喜  
因集唐人張蠡王之渙句爲楹帖贈之語頗切合  
惟張句上下易置則以楹聯體裁須諧平仄耳  
似入萬重山不離三畝地 欲窮千里目更上一層樓



聯中  
潘星齋侍郎暨陸夫人輓聯

侍郎乃吳縣相國文恭公仲子由翰林起家歷官  
卿貳於光緒四年三月三日與夫人陸氏同日而  
卒夫人卒於丑時侍郎卒於巳時可謂偕老矣

清望歷四朝承黃閣門風重登八座 仙遊同一日攜  
白頭嘉耦俱返三山

金眉生廉訪輓聯

眉生負經世才喜談天下事亦古之振奇人也今  
春招余游其偶園頗擅泉石亭臺之勝乃園中一  
別竟爾千古亦可慨也

春初招作偶園游泉石幽深亭臺曲折花木扶疏忍拋  
三徑煙霞海上仙龕遽歸去 酒後聽談天下事世運  
升降學術盛衰政治得失空贖千秋著述山中經濟更  
誰論

王母勞太恭人七十壽聯

太恭人爲王君夢薇之母嘉平八日其生日也  
願歲歲今朝以臘入良辰陳秋千雅戲 祝婆婆老福  
從古稀七十到上壽百年

童際庭觀察輓聯

觀察行年六十而卒距生辰止三日耳生平頗豪



侈自喜身後門庭蕭索孤子纔五歲亦可哀也  
懸弧穀旦便是蓋棺期只爭三日光陰未滿六旬眉壽  
綺席清歌變成蒿里曲堪歎一門細弱僅存五歲孤  
兒

江硯雲封翁輓聯

封翁乃小雲觀察之父年至八十尙思游京師小  
雲諫阻乃率全家卜居於畱下山中小築甫成遽  
捐館舍因以此聯輓之時余正丁太夫人憂也  
不輦輶卽林泉率全家入山必深知暮年尙抱權奇氣  
以考終完老福與令子論交最久痛去歲同銜風木

悲

岳廟聯

杭城眾安橋畔爲岳忠武王初瘞處同治甲子吳  
康甫大令勅議於其地建忠顯廟植柏於庭至丁  
丑歲大雪枝幹分披遂至中裂異而諦視之則其  
樹柏葉松身固檜樹也西湖岳廟舊有分屍檜前  
明同知馬偉所植顧彼則人力爲之此則天意而  
非人力矣敬題此聯以誌靈異  
老奸終古分屍鬼斧神斤劈開檜樹快事一時撫掌  
風欺雪虐壓倒秦頭



安徽會館戲臺聯

館中奉包孝肅朱文公粟主潘玉泉方伯屬題此

聯

菊部小排當聽他絳樹新歌好博河清同一笑 梓鄉  
眾首舊來自紫陽故里試將風景認三吳

衡峯和尚輓聯

和尚住蘇州寶積寺寺圯新之亂後又圯又新之  
余有重建寶積寺記存禱文中和尚工丹青凡相  
地相人及星命家言無不通曉余孫陞雲自幼多  
病曾託其取一僧名曰蓮生云

積半生苦行經營碧殿頽廊從前寶地落成曾許箇栖  
來作記 攜總角雛孫瞻仰紺眉藕髮此後香山老去  
更無如滿共論交

高滋園都轉輓聯

都轉官吾浙最久曾權臬使及引疾後仍寓杭州  
余與交最深今年春至杭則已病矣猶延入內室  
茶話中庭良久而別別未而月遽聞其訃悲夫  
宦游兩浙幾及卅年從前憲府兼權棠蔭尚畱遺愛在  
話別中庭未逾一月此後湖樓重到柳陰少箇故人  
來



應敏齋方伯六十壽聯

敏齋與余同歲生道光甲辰年同舉於鄉今年皆六十矣十月二十二日其生日也其太夫人在堂年八十有七余寄此聯贈之并為其太夫人壽也長於我一月有餘憶卅六年前同列賢書榜上並題年廿四 親在堂九旬將屆合百五十歲三周大衍筵前兼祝母千秋

又為杜葑舫觀察作

敏齋少年時無子五十歲後有丈夫子五自蘇藩乞養歸卜居杭州買忠清里沈氏宅極園林之勝

有三層樓登之則聖湖錢江皆了了在望亦壯觀也

母九旬兒六旬更欣繞膝人多商瞿五十歲後蘭玉叢生得崢嶸五男子 官二品階一品尤喜乞身歸早靈隱三天竺外園林勝地有突兀三層樓

潘母胡淑人輓聯

淑人為太傅潘文恭公孫婦東園君之德配也東園君年五十一而終其卒也以二月十九日淑人亦年五十一而終其卒也以六月十九日二月十九世傳觀音菩薩生日六月十九則言是成佛之



日此兩人者殆亦必有宿根者矣

佛誕誌觀音最難伉儷歸真季夏仲春同逢十九日  
仙籌添大衍卻好期願分享錦琴瑤瑟合成百二年  
吳平齋觀察七十壽聯

平齋好金石所著有兩壘軒彝器圖識余曾為序  
之今年為其七十生日而余亦六十矣其所居曰  
金太師場與余所居馬醫科巷前後相望蘇人所  
謂隔一條巷者也

合千古之壽壽公永保用永保享左鼎右彝坐兩壘軒  
居然三代上以十年之長長我六十耆七十老望衡

對字隔一條巷有此二閒人

楊振甫同年輓聯

振甫為余庚戌同年同入翰林者也仕至廣東布  
政使光緒五年正月三日卒於官其母沈太夫人  
歿於四年十二月十八日相距止半月也振甫之  
官時 召見問行期有母老途次不必急促之  
命亦榮遇矣

從慈母以西歸雖隔歲未越兩旬回思宣室垂詢親老  
途長曾荷殷殷天上語 哭故人於南海歎同年又弱  
一个屈指玉堂舊友風流雲散空餘落落曉來星



許星臺廉訪六十壽聯

廉訪與夫人同庚其膝前子女及孫男女曾孫男女及外孫男女外曾孫男女共得七十人亦盛事也

聚兒孫內外得七十人登堂同拜生辰從古汾陽無此盛  
合夫婦倡隨成百廿歲轉瞬再周花甲如今吳會  
是初筵

又

廉訪自言其夫人於十七歲舉長男後連舉二女  
又得一男又連舉二女自此一男二女相間而生

得男六人女十二人有如夫人者二人得男女各  
四人共得男十人女十六人因又譌此聯壽之  
奇偶合陰陽算一男二女相間而生得十有八人每歲  
必添丁其餘蘭夢分占又弄四回璋瓦 高貴亦壽考  
從六旬初度遞推而上到百又廿載大年再周甲長此  
華堂聚順坐看七代雲仍

任竹賢刺史輓聯

刺史曾官江西樂平縣權景德鎮同知當粵賊之  
亂設立飛字營頗著戰功及從樂平移德化以其  
地多水患築長堤護之名曰永安隄并建石闢焉



居民卽爲立生祠於堤上後遷雲南鄧川州牧以病不赴歸里數年而卒

以書生殺賊立功飛字營前父老至今談戰績 爲閭閻築堤捍水永安聞上使君未死有崇祠

周霞城廣文輓聯

霞城名茂榕鎮海人余曾預修鎮海縣志君亦在志局中故時通音問雖未謀面其意拳拳願在私淑之列庚辰冬日猶寄余洋錢四十助刻右台仙館筆記至辛巳元旦而卒亦可悲矣

汝川舊族望海名家惜此時邑乘已成未及爲君作佳

傳 鷄日占凶蛇年應讖憶去歲郵筒遠寄尙煩助我刻新書

繆仲英觀察七十壽聯

觀察以道光丁酉舉人官黔中至光緒辛巳年七十矣其子小珊太史迎養入都因余與觀察有同歲之誼乞此聯爲壽

開八豔至期願溯酉科名列賢書四十年前同詠霓裳天上句 由一麾遷觀察喜子舍官居翰苑三千里外笑扶鳩杖日邊來

譚文卿中丞六十壽聯



中丞始官日下屢上封事皆持大體及撫三秦活  
飢民無算光緒五年移節浙中適有海外之警不  
動聲色而備禦有法又修建文瀾閣購書度其  
中以嘉惠學者余有壽序文言之甚詳中丞生日  
余適在湖樓復獻此聯

內而調和官府外而存活閭閻妙在聲色不動中便有  
如是經濟武則海上旌旗文則閣中緗素欲驗期願  
無量壽請看何等精神

譚麗生編修輓聯

麗生名鑫振湖南衡山人光緒庚辰以第三人及

第至辛巳春來浙適余從湖上俞樓還吳下春在  
堂已登舟矣麗生知之卽乘肩輿出武林門至余  
舟中以後進禮見余未及往答期再見於吳中乃  
甫踰一月而麗生遽以咯血而死聞其臨終神識  
不亂以其九齡幼子所臨元秘塔碑交付其同年  
徐花農庶常默寓託孤之意亦深可悲矣  
如何探花使竟作報羅人最憐客死浙西難攜九歲孤  
兒託付同年良友回憶小舟中曾修同館禮猶冀重  
逢吳下誰料武林一面句銷文字因緣

吳母張太夫人輓聯

聯中

共



太夫人爲子健中丞之生母年八十有二於辛巳  
歲五月五日卒於江蘇撫署時

慈安端裕

康慶昭和莊敬皇太后遺誥頒行天下江蘇甫奉  
到也

憶往歲鸞歌鳳舞獻壽寢門踰入秩甫二齡曾元五代  
同祝期頤何今年佳節端陽頓撤蒲觴陳素俎 看令  
子武達文通起家翰苑由屏藩到開府節鉞三吳親承  
色笑痛此日普天縞素又扶桐杖哭慈闈

又爲潘季王觀察作

中丞河南固始人曾爲湘藩鄂撫及撫蘇又再攝

兩江總督所至輒奉太夫人版輿以行故上聯云

然

鍾毓白兩河兩湖兩江同依福蔭 曾元羅五代五月

五日頓失慈雲

密通和尚輓聯

和尚揚州人卓錫姑蘇有年矣城外虎邱寺城中  
永定寺皆其所重建也於光緒辛巳歲示寂年六  
十有一蓋與余同歲者

看君赤手興兩處三門此事由心精力果 媿我白頭  
亦六旬一歲至今猶帶水拖泥



杭州金華將軍廟聯

金華將軍曹氏名杲仕後唐為金華令吳越時守  
婺州錢氏入朝委以國事杲即城隅浚三池曰湧  
金既歿民為立祠池上其神每化為蛙遊戲人間  
光緒辛巳歲三月見于俞樓因題是聯

踵鄴侯六井鑿金牛湖畔三池利澤縣延百世祀 傍  
坡老古庵築碧霞亭前新舍神靈飄忽一來游

黃觀臣太守輓聯

太守為怒偕前輩之子需次江蘇與海運之役卒  
於通州

潞水轉雲帆未及生還黃歇浦 長沙歸旅櫬不堪腸

斷白頭親

俞友聲大令輓聯

友聲名麟振紹興人以諸生從戎積功得知縣同  
治丁卯歲舉於鄉光緒丁丑歲成進士仍以知縣  
原班分發江蘇未幾以疾乞歸卒于杭州年五十  
三余在吳下及湖上皆來相見執族子禮然服屬  
固不可考矣

戎幕久參北府文闈仍捷南宮在吾宗不愧後來秀  
吏才未試東吳麗譙鐵傳西浙於古人甫及服官年



應母朱太夫人輓聯

朱太夫人為應敏齋同年之母光緒辛巳年八十有八春閒即臥病至六月十三日自言欲去已屬續矣乃歷三刻許復蘇至十五日呼敏齋至牀前傳以遺命又言欲去言已溘然舉家號呼則又言曰人生有何樂處汝曹喚我轉來甚無謂也自是又閱數日至二十二日而逝其來去之際若可自由必是有夙根者敏齋妾張氏同日化去亦可異也

勉為兒曹作十日雷來去從容攜膝前小婦同行定有

三生緣分在 并算閨餘過九旬外富貴壽考想天上羣仙高會依然入坐起居榮

德清烏山社廟戲臺聯

烏山即德清山余故居南埭在山之陽余即社中人也社廟戲臺成父老屬題此聯

借絲竹傳山水清音里社歌謠新樂府 與父老語昇平盛事歲時伏臘古臨溪

杜筱舫方伯輓聯

筱舫六十歲時余曾以聯為壽載在上卷已畧述其生平矣辛巳之秋筱舫卒於嘉禾里第因復以



此聯輓之余為內子姚夫人之姪穀孫娶後舫從  
兄女故有昏姻之語

入仕途到開藩陳臬游刃恢恢更觀采香小集平寇巨  
編歎公戎幕起家又向詞壇高樹幟 論交誼兼朋友  
昏姻前塵歷歷回憶傾蓋秣陵望衡吳市此後武林歸  
棹為誰秀水再停橈

嚴緇生庶常六十壽聯

緇生自入詞曹至今十有一科矣改官比部因太  
夫人年高不赴今太夫人年逾八旬而緇生亦六  
十矣八月三十日其生日也以一聯壽之

六旬人詞館逾十科長依堂上慈親學老萊子白髮綵  
衣而舞 一樽酒清秋交九月好作山中宰相領韓魏  
公黃花晚節之香

釋山碑

道因時以立	功高斯不伐	昧乃明之極
理自天而開	理定自無爭	昔者今所因
金經略成誦	去日極可念	亂流自起滅
白日長無爲	遠山如相親	遠山時有無
惟止乃能動	爲言今日樂	四野自高下
因味而爲明	因理昔時書	萬山時有無



此聯較之余為內子姚夫人之姪叔孫娶後州從  
兄弟故有昏姻之語

入仕途到開藩陳臬游刃恢恢更觀采香小集平寇日  
編歎公戎幕起家又向詞壇高樓幟 論交誼兼朋友  
昏姻前塵歷歷回憶傾蓋林陵望衡吳市此後武林歸  
棹為誰秀水再停棹

嚴緝生庶黨六十壽聯

公黃芬興循之香 曹至今十有一稔矣改官比部因太  
文而罷 人一壽而欲休交此民我非山中宰牀賒尊懸  
六官人隨韻賦十拜尋茲堂上慈賤學步萊子白髮絲

楹聯錄存下

德清俞樾

集秦篆

釋山碑

道因時以立	功高斯不伐	昧乃明之極
理自天而開	理定自無爭	昔者今所因
金經略成誦	去日極可念	亂流自起滅
白日長無為	遠山如相親	遠山時有無
惟止乃能動	為言今日樂	四野自高下
因昧而為明	因理昔時書	萬山時有無

聯下

一



德成言乃立	相親維白石	山去天不遠
義在利斯長	所誦此金經	石無土而高
山石不流動	書久釋乃顯	臣家今高國
天日自高明	理日戰而強	帝德古成康
略具四時所樂	臣以壹經自樂	維以經史爲樂
不爭壹日之長	史稱萬石之家	時有山澤之思
極四時之所樂	有莫能言者樂	樂山澤而之野
襲六經而成書	無不成誦之書	明經義以著書
帝德萬世無極	壹威儀以成德	除誦經無所作
臣家壹經如初	澤經史而立言	思去已有如斯

盛世不言遠略

臣家自昔明經

理義明時有建白

功夫定後無思維

盡日相親維有石

長年可樂莫如書

言之高下在於理

道無古今維其時

昔之所經極可念

今如不樂請復思

登高因誦白也作

立石自刻獻之書

遠山相從久不去

亂石羣立長無言

自天降康年乃有

及時爲樂臣所能

此日壹去不可復

及時爲樂其無辭



澤以長流乃稱遠  
山因直上而成高  
古書明昧久乃顯  
遠山高下初如無  
世不能爭維此理  
臣之所樂莫如書  
以經史爲無盡義  
不山澤而有遠思  
自古以有年爲樂  
方今如初日之長

日莫萬山如無有  
天高四野極分明  
六經盡爲道而作  
羣書以久繹迺明  
略誦古今成野史  
具言金石著山經  
古今之樂盡此矣  
山野所樂如斯夫  
有無不爭家之樂  
上下相親國乃康

極盡四時之所樂  
自成壹家以立言  
世登上理有極樂  
臣除經義無壹長  
下臣所樂維經義  
上理無爲稱詔書  
臣於世不爭功利  
日在家維誦道經  
維於經義有獻可  
不從時世復爭長

無言者天此理顯  
有道之世其日長  
帝立四維而定國  
臣誦壹經以起家  
家無所有黔長樂  
世盡能思白不羣  
請于極盛登咸世  
誦此無爲道德經  
白日無爲羣動止  
金經成誦萬言除



起滅萬流金自定	請於秦上無爲世
久長壹念石爲開	長作天家在野臣
戎功久著今天下	時定始成金石樂
高義咸稱古相臣	功高長在帝王家
白樂天因天而樂	維孝於親有石建
王無功成功如無	不言所利無王戎
樂其所樂莫之禁	四時不害年可樂
利不言利無能爭	數世之利書爲長
道理分明方及遠	爲樂極之五六日
功夫長久可爲山	著書可以十萬言

始于在家能及遠	久從山澤言辭直
因之爲道如登高	除去經書家具無
時釋古書明古義	天年自樂今山長
請從山野著山經	帝德能書昔史臣
此樂無極臣壹石	時從野臣著野史
斯世其康帝萬年	久於山澤稱山家
帝德不以首山顯	無古無今道維壹
臣年乃如野王高	有可有不理自明
動之作之咸有道	家有義方稱長者
高也明也今夫天	道維強立在初年



道在無言天自顯	不以經明思自薦
年高有德世咸親	維其道在澤長流
亂流四下疾於夫不	四時所樂具在于此
古石羣立作其之而	六經之義不盡於斯
遠在太古乃有此樂	登高而思此樂萬古
盡刻斯世所無之書	立言不襲自成壹家
威儀可親帝稱長者	既動復止初念不及
康強不害臣樂高年	自昧而明羣言盡除
登高而盡四野所有	強者明者乃能斯道
著書以成壹家之言	盡矣極矣而復其初

初念長明如暴之日	山高流長請從所樂
壹成不動所樂者山	道成德立自顯於時
書無經史咸極其義	帝稱其功世樂其利
山有土石分爲之辭	及後者德定遠者威
莫不樂其樂利其利	威制暴強惠及山野
斯乃言無言爲無爲	澤流後世功在邦家
具著於書以明古義	功德既高長在國史
有如此樂維在山家	金石之樂下及臣家
經史之澤可以及後	古稱不德乃爲上德
道德既高因而顯親	夫維無爭斯莫之爭



家世之盛長為稱首  
 著作所定無不成書  
 道義自高如立六國相  
 及時為樂請自今日始  
 著作極盛可稱萬石家  
 於世無爭長如泰古初  
 道其道德其德義理自在  
 高者高下者下山澤攸分  
 後日思今今復思昔不如盡除此念  
 天下在國國乃在家其維自定於初  
 自泰初而皇而帝而王理亂相從止此壹道  
 念古昔立德立功立言辭義不襲具在六經

集漢隸一

校官碑

文章昔潘樂	清風表介節	閑來絕人迹
家世今國高	與義發雄文	楸外聆禽聲
陳詩聆國政	楸竹有高節	君子焉不學
講易剖天心	文禽無俗聲	國人胥曰取
三公不易介節	學不講將焉獲	不役世俗之樂
一官自樂天年	禮既復即是仁	惟謀我心所安
謀于楸學有獲	獲一善無失之	
脩之家德乃長	卽三公不易矣	



脩竹不孤君是矣  
清風在戶我招之  
平旦所息長在抱  
清風自來初無私  
自將詩禮垂家教  
惟秉忠貞佐聖君  
清風無私雅愛我  
脩竹有節長呼君  
自抱高風詩典雅  
不矜介節竹平安

公旦垂聲周有雅  
屈平高蹈楚無風  
自陳心迹詩之聖  
不用矜張文有神  
自昔學詩宗表聖  
於今謂易有君平  
昔年絕作屈平賦  
今世高風表聖詩  
周詩漢賦自典重  
清流脩竹人平安

利在所輕義自重  
德之既高文不卑  
所教學不外詩禮  
既安樂且長子孫  
崇高將冠百官表  
閑雅不矜一藝長  
武公之詩是曰抑  
老子所寶首在慈  
高人不附百官表  
詩老親呼一字師

高義自脩無德色  
老年長樂有童心  
老年不失髻年樂  
今世重親上世人  
脩德克昌焉有艾  
抱詩自樂一無疑  
清高自作詩家祖  
平易長存懌外風  
君子在上衆歡樂  
國人曰豈無阿私



君子詩學白卓絕	詩有清風師正雅
我所師資無阿私	字無俗迹學來禽
學有師資在不昔	親仁寶善資民利
老將謀樂從今茲	謂武脩文佐聖謨
楸無人迹禽聲樂	字無流俗形聲正
戶有輕風竹景流	詩不矜張結構安
文禽發聲清于磬	聖垂六藝禮樂作
脩竹結實陳我園	天賦三德仁智存
清絕作詩無俗字	是迹是神無乃有
閑來叩戶有高朋	卽生卽息貞復元

世有令德在君子	自是高人長不老
心虛愛民惟仁人	卽今脩竹復生孫
人之進退在繇禮	長令子孫親有德
官無崇卑惟愛民	自將詩賦樂平主
自愛初無阿世學	文章亦雅從無俗
之官卽有利民心	詩賦風流自有神
尚有典章平子賦	平安自愛高人竹
從無聲色樂天詩	清遠初疑楸老家
愛樂天詩初不俗	雅藝惟詩三絕冠
抱君平易自無疑	受塵有竹一家清



所愛文章宗尔雅  
不將詩賦表風流  
楸色有無在平旦  
清流屈曲抱詩家  
閑家用老子三寶  
從政稟周官六廉  
有三公不易之介  
無一藝自用乃高  
國家將興有啟佐  
文武所稟惟聖謨

百姓樂呼啟令尹  
一官卽是昔公侯  
叩戶從來無俗迹  
抱詩所在有清聲  
自有高朋將學講  
且教童子抱詩來  
楸外高人元不俗  
詩家老將自來雄  
楸興且教從衆樂  
高年初不用童扶

化學彼我元無迹  
存尔天君卽在心  
實用閑存惟聖學  
善謀克復卽天心  
卽用詩章陳國政  
長從楸老察官聲  
謀樂不在文字外  
學詩胥從風雅來  
從我所樂有學在  
操之卽存惟心虛

惟學藝文抑末也  
克脩德義是啟序  
文藝從來資尔雅  
進脩元不失風流  
儀容閑雅人胥愛  
文字優長世所師  
絕藝無雙在文字  
用心克一自優長  
清風高節世所重  
令子啟孫家將興



脩德不矜官位重	文禽雙來聲歡樂
克家惟在子孫取	清流一曲人優閑
自是清高無俗尚	高興且謀楸外樂
從來文雅卽風流	雄文尙有國初風
自是楸人親楸景	童子一人親執役
惟將家學永家聲	高年三老來作朋
閑招楸色來平楚	彊抑直流生一出
曲受清流生遠風	閑招孤景作三人
一家長有歡樂色	天賦清高絕流俗
百年從無彼我心	老垂著作貽子孫

履仁蹈義用脩我德	仁義自脩君子安雅
學詩講禮克昌尔家	詩禮之教家人利貞
除周孔外初無絕學	樂民之樂取於自樂
繇楚漢來乃有雄文	仁人安仁實卽利仁
長于從政不惟三善	國政民風垂之詩教
卓彼著作自是一家	進禮退義閑于聖謨
除文字外一無所愛	禮樂既脩垂之教化
有脩竹在衆呼曰君	進退無失閑于容儀
心虛愛人卽仁卽智	愛衆親仁世之師表
抱茲介節不卑不高	脩文講武民乃景從



克制彼私平旦有息  
愛樂天詩不流虐俗  
不役于俗天君乃安  
學宗師文克進于安  
孝悌惟孝家卽有政  
惟善是師今之啟尹  
樂民之樂德乃不孤  
無疑不察民曰神君  
清流所受不直卽曲  
惟忠惟孝稟天所賦  
辨色自來既有疑無  
學詩學禮演聖之謨  
家學優長天資卓絕  
文章尔雅履蹈清貞  
惟曰進德焉脩學焉是在我尔  
從茲永安矣長樂矣蓋有天虛

天之生我公焉是上將是啟佐  
昔也有茲人虜曰武侯曰子儀

集漢隸二

曹全碑

泉石從所好  
有酒且其樂  
文章如有神  
無錢安足憂  
聖世重興武七德  
泉遭急雨因潛出  
諸君同負史三長  
風遇餘雲復勒歸  
少孫尙擬續遷史  
周禮六官先治典  
子雲奚憚反離騷  
漢家大史首臣僚



早齊文望張童子	遇石不拜爲之揖
還慕雄風周孝侯	擬酒以聖甚于賢
且以文章存典禮	綜貫文章周六典
還因禮樂振風流	清高名望漢三君
文章典重張平子	不慕金章仍拜石
居處清幽王右丞	少疏文字復臨流
常爲山人疏禮節	山野所樂世無禁
還因野史訪遺文	金石之辭臣有長
且與君平學周易	野史所收或遺事
不同揚子反離騷	國風旣遠有騷人

師商之間有位置	爲愛涼風開北戶
周秦以降無文章	因芟殘葉出南山
白石清泉從所好	開泉分水山人事
和風時雨與人同	翦葉芟枝童子功
泉流分布從無絕	名士風流咸所慕
枝葉扶疏不擬芟	儒生門戶本常清
生遭聖主賢臣世	文字若無高下別
家在廉泉讓水間	酒醪焉有聖賢分
酒以高下別賢聖	風雨和平因聖世
山因遠近分親疏	民人歡樂是清官



大賢憂樂同斯世 鄉居且復脩農政  
長吏廉平報聖時 興至時還角酒兵  
子孫好守儒門學 辭章舊擬三都賦  
鄉里仍名廉吏家 鄉里仍名萬石家  
其治幽居先退谷 漢世金章牟重望  
尚餘舊德是廉泉 孔門曾閱擬清名  
白石清泉常共隱 門廡咸拜文中子  
美人名士有同心 官爵仍遷鄉大夫  
雨風好訪農家諺 世承王氏三槐美  
泉石常存吏隱心 人有張家百忍風

字學近參王大令 家居好水好山地  
清名本擬蜀君平 人在不夷不惠閒  
子孫共守顯門學 常居賢母三遷里  
父老長沾治郡恩 不慕高官萬石家  
至老不離文字事 官位早從三事後  
所居合在水雲鄉 文章尚在六朝前  
山上白雲高士隱 方干以三拜為節  
庭前好雨故人同 君平有百錢養生  
秦嘉夫婦賢名起 幽人之居足泉石  
張敞風流樂事全 高年所樂長子孫



儒者承家先孝弟 吏隱旣分無造訪  
學人報國在文章 姓名尚在爲文章  
美官不慕齊三服 曾南豐文章典重  
高節還同漢二疏 王右丞居止清幽  
且幸雨風和聖世 舊有雄文縣北闕  
常存桃李在臣門 近存老屋在南山  
儒官本不親民事 令子賢孫同繼起  
老學奚爲讓少年 美人名士共長生  
負米其嘉賢子孝 時與高人商出處  
縣魚還述長官清 不從文士角辭章

有錢無錢都不計 山野所好各有在  
在山出山其奚殊 州郡之職安足爲  
和乃不流有定節 人閒大隱在朝市  
敏而好學無常師 身後文章報國家  
曹子建文常敏疾 居家不爲在家計  
李商隱意本光明 處世常存出世心  
叔子風流人所服 爲慕機雲常並屋  
陽城孝弟士咸歸 不貪金紫早辭官  
方州部家揚子之易 文德武功副是爵祿  
政事文學孔門所長 殊方絕域憚其威名



白雲既開遠山齊出 或有或無歸之性分  
清風所至流水與遭 若離若合同于世人  
屋後遠山門前流水 不夷不惠君子所處  
農父賜酒童子貢魚 好山好水幽人之居  
德義既高不慕爵祿 義在斯為奚讓賁育  
文章之美故有師承 理足而止不因程朱  
雲出人間合而為雨 枝葉既芟斯存本性  
泉流石上清于在山 門戶不出而收遠功  
理學程朱辭章元白 從葉流根是為敦本  
德性曾閔家世金張 因雲興雨所以濟時

君子脩德無不獲報 面山臨流幽人所止  
儒者明理奚為費辭 興廉舉孝令德之光  
君子處事有忍乃濟 三世長者是有令望  
儒者屬辭既和且平 百歲老人還如童年  
臣門桃李遺有清景 和仍不同君子之德  
名山金石勒其雄文 定而后安大學所先  
民和年豐咸拜神賜 諸子百家不分門戶  
家裕人足其樂時清 名山大河各效文章  
德義無官位而足重 殘石臨丞相臣斯字  
文章勒金石以不刊 名山續司馬子長文



不出門庭全收野景 官職文章各居其極  
相從里巷大有高人 門廡桃李無美不收  
白也風流與神人等 所居臨流親近泉石  
退之文字爲學者宗 有人載酒商定文章  
同人于門以輔其德 石不合拜止相揖爾  
君子有穀乃興爾家 臣益于酒時復中之  
既濟乃定是有易理 治國若魚不擾爲福  
大極不動斯爲神功 養民如馬有害斯除  
萬里長城聖意有屬 養民如馬有害斯除  
百穀膏雨民望所歸 養民如馬有害斯除

退之工文辭學者從而師事

司馬相中國遠人服其威名

泉明歸與歸與置老屋六七間在山水之鄉白首相安

金章奚慕

居易樂哉樂哉其及門二三子志秦漢而上干時不足  
養性有餘

集漢碑三

魯峻碑

清游止風月 春歸粵不落 高文在樂石  
生計在琴書 風靜月長明 大道有傳薪



春粵秋月自娛樂  
三山五岳長游行  
史學無如小顏博  
書家祇守二王傳  
高人不在百官表  
遠游當始三神山  
自昔詩人有何遜  
還傳雅度比王恭  
家除圖史無長物  
天目風月娛高人

便者家風當靜穆  
學人體氣自蘇平  
究竟孔顏何所樂  
大凡清任不如蘇  
能令一家長靜穆  
不惟四月是清蘇  
台德能如太工長  
清游何獨永蘇年  
史氏三長惟在學  
文家七發竟如神

惟爲孤石作雅拜  
自載明月當清游  
除琴書乃無長物  
有琴石而佐清游  
書體遷流通漢隸  
詩懷清暢發吳歌  
便門盛比文中子  
神計傳之黃石公  
報國之文在公等  
傳書而去有門生

自昔何休爲學海  
還如司馬在文園  
所居直是蘇神國  
自昔惟傳獨樂園  
羣傳長吏廉平德  
敬作中蘇樂職詩  
門外有人時載月  
園中無事自彈琴  
便生任職彈琴治  
廉吏遷官載石行



何人不謁圖書府  
縱懷琴事當春去  
所在當稱通德門  
暢足清游載月歸  
若令居家長肅穆  
爲報春風能一石  
自然生子作公卿  
當延明月作三人  
學無弗究詩懷暢  
德行自當顏子比  
書不徒臨隸體高  
風神還若九齡無  
僂者不惟通一孔  
縱覽書家師內史  
史家所有是三長  
盛傳琴德比中郎  
休道春琴無足覽  
自構小園稱獨樂  
能如秋士自然清  
時當令節作清游

臣有圖書足娛樂  
游人縱道五陵樂  
人當琴月自遷延  
高士自守孤山居  
能已詩書通政事  
雅事長留在詩史  
自然道學始風流  
清門所拜止琴神  
官高中外威儀盛  
琴事循行惟小輦  
家在東南門第清  
石公雅拜有高冠  
大雅不羣自宏遠  
自有圖書生計足  
盛時所樂是清平  
長留風月舉家清  
東山高視小魯竟  
自昔僂門長靜穆  
南國流風懷召公  
一時詩史廣流傳



盛事當令詩史紀

有時灌園自僂服

高人能佐石公游

未始彈琴游王門

若徒博物僂還小

百家九流視之掌

未始陵人學自高

一月三秋懷其人

高官五馬何足道

無大無小歸於敬

陳書百城呂自娛

有為有守視其人

呂詩作史乃無穢

自疏干謁臣門靜

稱石為公自不孤

若去琴書家計無

廉靜自守則長足

不居官職徵高節

道德是樂乃無憂

惟樂圖書表雅懷

高人自紀園居樂

門內琴書長雅契

文士還傳山石詩

山中冠服自清高

自作歌詩無節奏

去除琴石當無物

強循禮度太生疏

勃發歌詩若有神

直呂文學當政事

五體惟為拜石拙

能為循吏惟純僂

三公未若灌園高

不通下謁門長閉

良物不留惟載石

惟守琴書案自清

清官有效是高門

百事清平為有令德

如樂之蘇乃稱盛德

一家蘇樂是呂大年

無書不覽是為通僂



家無長物琴書自樂  
石氣縱清琴姿自潤  
天生高人風雅之宗  
詩懷始暢琴德曰蘇  
帝嘉其才士歸其學  
詩若長城四竟獨守  
民樂者德吏服者威  
學如大海百流兼歸  
陳大正如其道廣  
有琴有月園中樂事  
顏魯公何止曰詩傳  
無春無夏城外清游  
南董史才東馬文學  
春九十而園中長在  
魏國七子漢時三君  
月三五於海外生明  
落月有懷孤石獨拜  
度比江河細流兼內  
春風所在百粵自生  
氣如春夏羣物發生

董子大僕史游小學  
帝曰干城士稱師表  
高堂治禮夏侯傳書  
民樂父母吏敬神明  
長卿高文天子是覽  
有物有則山父之德  
中郎獨斷學者所宗  
學詩學禮孔門所傳  
歸之於中師商自化  
家有小園足曰獨樂  
遜而不校平勃曰蘇  
年當大董自然長主  
報國宏文濟時高議  
門外清游三五明月  
居家蘇樂作吏廉平  
園中琴事廿四春風  
明月清風人無不有  
呂氏博議自然通暢  
彈琴作詩白足曰娛  
中郎獨斷大有發明



明月清風足以樂矣

仁義自治有為有守

德行 文學兼而有之

琴書足樂乃息乃游

長卿詩城自足以守

廣平所守如石不化

何休學海土無不歸

孝肅一樂若河之清

蘇而不流廣平如石

強者明者乃能是道

游乃是學董子之園

忠矣清矣當視其仁

學比董生乃為傾者

若在孔門當視顏子

政如子產是曰惠人

比之漢侯其惟董生

作百一詩曰自娛樂

顏子服膺為學之道

臨十三行大有風神

石氏恭敬當時所稱

南山等高東海比廣

縱覽樂史太平所紀

春風流惠秋月表清

如在大令永蘇之年

公綽之廉曰石表契

山高流長足曰游覽

子產曰惠不春而溫

春溫秋肅歸之中蘇

能守琴書是為有子

天為之徒而物何有

自樂道德不憂無徒

人能不孤惟德則然

學通九流書兼三體

門無干謁案有琴詩

集漢隸四

樊敏碑



不離世而立 無遺行于鄉里

乃与天為徒 有令德在子孫

故人痛飲長松下 所學不為外人道

同志清譚密室中 其居乃號君子鄉

故舊清譚招一再 常以經義授鄉里

門庭春色又重三 不將文字角辭華

古書舊校漢天祿 漢世所重在經義

盛事今參晉永和 晉人常好為清譚

所喜清譚有周黨 春華不若秋華好

好將大節並嚴光 今月常同古月明

秋天炳然月長滿

欲招故人与同飲

春風起兮華怒生

乃鉏明月而種華

舊有辭華分八米

古人所重在大節

今留光曜在三台

君子於學無常師

不辭華下一再飲

痛飲春風能一石

為喜春光九十長

戲招明月作三人

種松有就期百歲

居常無喜怒之色

立石不銘刊六經

立志以聖仁為歸

立節能輕古韓魏

奉華作神有春色

當仁不後今微其

為石立史無穢辭



不以榮華曜鄉里	能以經術治吏事
常將道德養祥和	宜將秋實作春華
合德宜爲漢三老	屬當中外清和世
雄風不慕齊一匡	請作君臣喜起歌
直道而行能正俗	能以經義正民俗
學人所重在窮經	不辭冠冕爲君恩
舊事微叅柱下史	此中宜作文字飲
雄譚大發枕中書	有人能爲華月歌
體道辭榮漢二老	松下風爲魯和聖
執經誥事魯諸生	囊中書有首陽秋

諸史以遷爲之祖	行見鄉閭二物備
六書有鉉而後明	不徒文字一朝長
盛世喜當漢文景	喜見故人宜痛飲
老人復見魯靈光	戲爲明月發清歌
古以青史氏爲重	能以清譚學東晉
君乃金華殿中人	非徒風景近西泠
能於遺經見大義	十載濯冠欽儉節
宜爲潛德發光華	三軍斷布佐雄譚
飲人戲招畢吏部	明月不能無秋思
秋色清同韓魏公	故人所在有春風



請歌王在靈臺作  
非復巴人下里辭  
吏治當師宓子賤  
清譚宜招劉景升  
書體渾雄或參米  
史臣紀載欲師遷  
欲與故人同倡和  
不從後起角辭華  
士喜然明重東里  
經將老子續南華

風度清華晉人物  
文辭嚴重漢都京  
十載辭榮長枕石  
一朝慕義起彈冠  
石建門風在忠孝  
王褒文體總清華  
囊中舊有歸潛志  
松下常譚種樹書  
辭華舊有二都作  
道體今從一貫參

長松卓立古之直  
好風微起聖而清  
勒石銘金百世物  
清風明月六朝人  
所喜好不離文字外  
有行義足爲鄉里師  
門有古松庭無亂石  
秋宜明月春則和風  
吏號神君民歌衆母  
國有楨幹士賴楷模

秋陽光曜近有若  
長松風起作之而  
一書再書華外無史  
十里五里松下有人  
天之生民有物有則  
學無常師乃一乃精  
集義所生無助之長  
好學而敏乃窮其微



學無常師卓然有立  
和而不同周而不黨  
古之君子和而不同  
今人與居古人與稽  
行于鄉里爲古長者  
華下今月松下古月  
附以韓魏若舊有之  
春宜和風秋宜清風  
仁者爲人學者爲己  
九經三史軌物咸備  
義在所重物在所輕  
五光十色文字之華  
同人于門冠冕所集  
十年種樹君子有後  
君子表微文字之祥  
一朝復禮天下歸仁  
常將令德表此風俗  
三世長者宜備百祿  
不以外物擾其天和  
十部從事不若一書

清風和風咸助長養  
室除書史從無外物  
春色秋色並有光華  
臣於金石寔有微長  
仁義足榮輕漢三傑  
皇路方清俊士並起  
道德爲重恥齊一匡  
聖經成在大義以明  
養之若苗不助而長  
秋寔春華學人所種  
書此于石以喜其遭  
禮門義路君子之居  
仁義是重乃輕晉楚  
禮以履之義路是躋  
道德無損能益松僑  
仁者人也天君乃和  
履蹈中和身爲律度  
文以載道史以載事  
安行仁義福垂子孫  
義者爲己仁者爲人



居以志養仕以祿養  
德爲人師學爲經師  
請刊石經而備三體  
乃爲楚辭以續九歌  
以歲之和史書大有  
其人能養天授長生  
有物有則乃天所与  
或清或和以聖爲歸  
九曰五福天之所与  
一月三遷士以爲榮

請以種樹十年爲則  
不徒文士一朝之長  
爲學則益爲道則損  
與今人居與古人稽  
不遇九方遂無神物  
周歷五岳非復常人  
漢太史公恩禮爲盛  
魯靈光殿中外咸欽  
史氏所長三者咸備  
大學之道一是爲歸

周有八士伯達居長  
漢之三傑留侯爲賢  
八士生周三傑佐漢  
六經在魯一匡霸齊  
天有文昌乃見光耀  
國之重臣是爲幹楨  
同軌同文遭際盛世  
有物有則模楷古人  
國僑有辭与之方鼎  
晏子節儉見於濯冠

集稷下士作柱下史  
無囊中物有枕中書  
節制三軍行其秋令  
招集百物入此春臺  
清風清聖和風和聖  
今月今人古月古人  
從漢楊雄而學奇字  
招晉畢卓以爲飲人  
風月滿庭春色無賴  
窮達一節秋士有思



曾靈光殿下倡景福	體驗入微不物於物
楚巴入辭上和陽春	造就者大化工無工
見義則爲鋏其德色	德威並樹吏治乃建
當仁不辟養此心苗	文行咸重士風大和
和氣生祥所養者大	清節爲秋是有潛德
渾元無外與物爲春	和神當春故能大年
道德一經首重在儉	六一居士喜集金石
損益諸義無大於謙	九十春光宜養祥和
秋陽光曜近于有若	
清風微起古之伯夷	



